

阿惟越遮經
卷第四

百四十
本十一

阿惟越到迦經卷第四

西晉三藏法師

竺法護



如來品第十三

尔時三菩薩各從遠來見此變化佛所演法
得未曾有阿難白佛此三菩薩從何所來世
尊告曰東方去是恒沙等劫有世界曰身超

須彌山住在本土聞說斯經故來到是時三
 菩薩來住佛前皆以香華供養世尊俱白佛
 言余等僉然信樂斯法不懷狐疑所以者何
 心中矐然譬如日覩如來至真等正覺恩之
 所覆時一菩薩前白佛言如我所言至誠不
 虛吾於一處都無狐疑第二菩薩復白佛言
 余於此法亦復不疑第三菩薩復白佛言我
 之所言至誠不虛所謂佛者吾則是佛曉了
 斯經無有疑網尔時眾中無數百千諸來會
 者悉共叉手不樂本座佛興於世此徒何故
 乃宣斯言其餘眾人各各默聲各心念言今
 佛現在自當分別阿難復白佛此等菩薩皆

号云何佛告阿難一菩薩者名得如來住第
二菩薩名志得出尊音第三菩薩名志逮得
佛聲如是阿難如彼所言等無有異其義趣
此阿難白佛言今此無數百千之衆擾動不
安悉各叉手一心向佛不知斯義爲何趣也
是輩功德轉當增加譬如男子端正姝好顏
白潔白淨水自洗以栴檀香熏浴其體者好
衣畢其人體色益白光曜是輩功德信樂大
道叉手向佛福轉難及佛尔時說頌曰

如來知過去

當來亦如是

見諸法本無

故曰爲如來

悉達現在事

未來悉覩覩

不造立三行

究竟如無想

如往古諸佛

所覺不可計

無從來一等

故曰為如來

如往古諸佛

所倚求聖道

覺者亦當然

故曰為如來

諸法本所立

道聲寂然定

音歸不可得

故曰為如來

專應過去戒

當來亦復然

現在獲本無

故曰為如來

如勇猛忍辱

為菩薩之人

彼學亦如是

此人則無上

本為菩薩時

獲勤力如是

志所行精進

故曰為如來

如諸法平等

所說無特異

不著念在有

故曰為如來

平等不有念

常自然等正

無有平等想

非思莫發念

本無成三昧

具足此音聲

遵修於定意

故曰為如來

諸法悉本淨

本無不有處

一切無所稱

因緣不有形

曉了智慧相

明空法亦尔

至誠無所疑

智慧度無極

如聖之所度

逮本無思議

彼明不可得

則無量滅度

猶獲智慧爽

過度亦復然

以是慧無處

故曰為如來

佛道不可獲

如意之所念

不得一切法

故曰為如來

獲致於無為

假使多所逮

諸法非有數

歎道不可限

世尊之威曜

無所修軌迹

彼道則雅諦

悉從智慧興

道尊如無漏

各分別如是

彼道則正真

塗志應自然

有曉了聖化

法所御平等

將令至本無

故曰為如來

聖與平等同

所任順明軌
道與身本無
今吾講說法
聲平等如是
余乃求大道
我是故阿難
此事如所言
則為識之行
則勇猛菩薩
故以修精進
阿難是因緣
菩薩志漸演
所以謂如來
曉了不退轉
讚揚其義耳
故曰為如來
假使任於斯
口出是語耳

勇猛菩薩智
順此諸因緣
其法為何類
何因謂世尊
菩薩修無畏
講道億百劫
所因成大聖
佛道無思念
成就慧明跡
皆自為身求
永都無所畏
故曰為世尊
未曾懼生死
終始無所立
以是度群生
故曰為世尊
何謂長生死
云何任終始

何因度衆生

世尊最正覺

無導利法者

法亦不有壞

非堅無有散

度人勤苦患

是不畏生死

此非任終始

度群黎如此

故曰為世尊

未曾懼諸法

永不畏諸義

及一切佛經

令聞無數法

非底不有邊

衆生法悉空

諸佛道自然

不覩諸法本

即依順此經

專精於諸法

知空法自然

不恐無所畏

曉了道慧空

知諸法侵欺

分別無所倚

精進次第演

則解諸法本

勗勉一切難

棄捐衆惡道

未曾有恐懼

免衆生惡塗

過度億人民

越終始大懼

常不動生死

尔乃度群生

過之度彼岸

至上尊無為
為人分別說
故曰為世尊
道平等無異
則逮成佛道
開化閉隔人
故曰為世尊
拔除群萌志
菩薩無所慕
寂滅致等法
則亦謂世尊
若脫無為稱

得致号之人
諸法猶虚空
因依一切法
聖則不可獲
分別說如此
度無數群生
釋去諸人想
故曰為世尊
以故得号字
曉了一切義
不求上妙道
為人講經義

故曰為世尊
亦不有畏難
多所而開導
衆生等於彼
則無所畏難
超越諸所畏
遵修于道念
得離衆思想
世尊之名稱
當來所立志
彼亦不求名
道含及憍慢

則不有立願

人求尊名稱

則不慕佛道

計音如響等

因與眾想念

貪著虛偽聲

我名譽乃尔

不存一切響

口言無所著

菩薩不放逸

故曰為世尊

大聖所說音

如是譬像法

假有菩薩号

故曰為世尊

以故當了之

莫不迷惑者

至誠求佛道

無數無有漏

是緣乃餘事

歎說世尊音

阿難知隨因

而号為菩薩

我是故阿難

口出此語耳

所緣諸明智

佛号為世尊

覺了眾塵埃

未嘗為之惑

平等覺除欲

是故号曰佛

何以為世尊

顯示斯名号

曷從言白佛

而講說道法

佛法無所有

曉了空寂滅

一切無有著

故号字為佛

覺了體悉空

見體無所屬

彼不有堅固

身不可久得

愚駭離慧明

不要謂常要

覺此悉本無

故号曰為佛

分別無明慧

自然不有形

逮得大聖智

故名曰為佛

過去所興想

分別學無想

曉眾想無處

不為念所惑

覺知往古色

無生不有處

愚者為想惑

計色無所成

分別色本無

不可得根源

不著一切法

則無有痛痒

曉想譬言如幻

無物不有形

已分別斯慧

一切法如是

摠持無所行

一切身無苦

空義非有御

故身不可得

人身不堅要

若如芭蕉樹

悉分別此義

故号曰名佛

其識自然空

計身無有内

外亦不可獲

識之何等賴

覩識無所有

一切法亦然

不得處形貌

究竟不可獲

識之所知然

計本悉等寂

若了曉想者

則莫有所見

明不作是觀

一切人亦然

群生萌類同

以故無能知

自然不有啓

諸法無所行

一切莫有受

人法亦俱然

一切法忍過

覺了未曾生

無若干放逸

故号曰為佛

曉了佛衆經

所經如正諦

一切法無處

故名号曰佛

如空諦法尔

所覺經本無

猶佛道無異

莫能得根本

從始發意來

所因志大道

則了不有心

諸法無所獲

何緣發其志

而慕求聖道

其心與道同

覺了無形自

吾以故阿難

演出此經耳

所因講聖軌

吾為佛導師

以斯法像類

其音号曰佛

假使作彼教

乃為求佛道

則得近正道

其知是法者

不復懷二心

一切法如是

不疑佛經籍

則致世最上

若解此講者

普說法若斯

佛分別說此如來世尊佛義之時則無央數

百千人眾前白佛言吾等除疑無復結網所

以菩薩因由得名号之如來世尊為佛曉了

此法自逮見心一切法空以為之惑父母妻

于戀恨恩情如來手授深妙之義其心堅住
不復輕發了不動法如空不搖無能震者如
是世尊一切諸法無所轉移所以者何諸法
如空尔時無數百千之衆誓首佛足繞聖三
帀則還復坐

阿惟越致遮經開化品第十四

尔時有菩薩名諸根常悅說是頌曰

衆人與果想 救濟于異念 平等於實道

誓首世明智 常講說德實 演果為平等

得平夷正覺 誓首世明智 無數人貪果

倚行衆生實 佛悉度此等 誓首世明智

說法其差侍 所至而上均 覺諸法平等

者有無央數百千諸華各懷悅豫則取蓮華
供養世尊同音歎曰願令吾等值是法世亦
効如今分別說之時佛即笑便有伎樂而自
然鳴聲聞十方無數千天空中雨華栴檀粟
金及天心華諸天之衣散世尊上賢者阿難
長跏趺叉手前佛言佛不妄笑會當有意辨
語阿難今華天龍鬼神及非人間
經者後世所生輒值此經演說其義如我今
日等無有異佛說是時賢者阿難文殊師利
菩薩諸天世人莫不歡喜

阿惟越致遮經卷第四

木

